

է Սուբաթի մէջ Յովհաննէս վրդ. Սպահանցիին 1696ին յօրինած Գիրք Սրբազնագործուքեան կամ Ճաշակեցիք խորագրով երկասիրութիւնը:

ՊԵՏՐՈՍ ԵՊՍ. ԱԳՈՒԼԵՑԻ (ԳՈՂԹՆ).— Մը. Ս. Էջմիածնի. վանհայր Ագուլիսի Ս. Թովմայի վանքին, 1654ին եպս. կը ձեռնադրուի և կը յաջորդէ Խաչատուր եպս.ին որ իր հօր եղբայրն էր. 1668ին կը նորոգէ Ս. Թովմայի վանքը եւ կ'ընդարձակէ անոր պարիսպը: 1680 Դեկտ. 15ին Ագուլիաց վանքէն կը մեկնի Վրաց Տովլաթ խանի պաշտօնական գերովը և կ'այցելէ Երուսաղէմ: Պետրոս եպս. Ս. Յակոբի վանքին մէջ իբր նախագահ պատուիրակութեան կը ներկայանայ Եղիազար կթղ.ին և կը հրաւիրէ զայն ամենայն հայոց կաթողիկոսութեան: Եղիազար կթղ. պատուիրակութեան հետ 1682 Օգոս. 30ին կը ժամանէ Էջմիածին և կը վահակալէ: Պետրոս եպս. 1682ին վախճանած է Երնջակի Ս. Կարապետի վանքին մէջ (Ն. Երնջակի. էջ 209—210. Ժղկ. Հաա. Ա. էջ 402): Ս. Էջմիածնի միաբանութեան հրաւիրագրին պատճէնը (տե՛ս Արծուռեան. էջ 50):

ՊԵՏՐՈՍ ԵՊՍ. ՍԱՐԱՃԵԱՆ, ՍԻՎՐԻՀԻՍԱՐՅԻ.— Մը. Ծ. 1872ին. աչկ. Ժառ. Վարժ.ի 1891ին. Ձո. 1898ին. Առ. Կիպրոսի (1899—1905). տեսուչ Ժառ. Վարժ.ի (1905—1908). ՏՊ. (1909—1910). 1913ին կը հրաժարի Միաբանութենէն. կը ձեռնադրուի եպս. Սսոյ մէջ 1914ին, Սսէն կը տարագրուի միաբանակիցներով Ս. Յակոբի վանքը 1915ին. անդամ Սինոդի (1916—17). Առ. Դամասկոսի (1918—1919). Առ. Հաճնոյ 1920ին. ք. անգամ Առ. Կիպրոսի 1921էն սկսեալ մինչև ցայժմ կը վարէ նոյն պաշտօնը. արքեպս. 1924ին:

ՊԵՏՐՈՍ ԵՐԷՑ.— ՄՁ. Թ. 697 ձեռագրին մէջ ունի հետեւեալ յիշատակագրութիւնը. «Դարձեալ յիշեցէք ի բարի զսուտանուն Պետրոս երէցս և զամուսին իմ զԱլըզատէն, և զորդին իմ զԱստուածատուրն, զգոուստրն իմ զՍավտերուսն, զՏալիթէն, ամէն: Դարձեալ ես մեղապարտս... երէցս ստացայ զհայր Մաշտոցս ի հալալ ընչից իմոց և հատու ի սուրբ քաղաքն Երուսաղէմ, ի դուռն Ս. Յակոբայ, ի պարձանս հայոց օղգի... ի թվին ՌԿԴ (=1615) ամին ի յառաջնորդութեան վանից տէր Գրիգոր Արքեպիսկոպոսին... յիշեցէք ի բարի զսուտանուն Պետրոս եւ